

Hōa-tiúⁿ ê Oē

Tâi-ôan Bó-gí Su-chu Jīn-chèng Pò-miâ Hong-sek Tiôh ài Khai-hòng KIP(Kàu-iòk-pō) tī 12 gòeh 20 hit-jit kong-pò beh chhái-chhú 2 kai-tōaⁿ ê hong-sek lâi chio-khó Tâi-ôan Bó-gí chi-ôan kàu-hák ê jîn-ôan. Chiàu KIP ê hong-sek, kan-ta beh siū-lí tē-hng chèng-hú chhui-chiàn ê jîn-ôan lâi chham-ka KIP chû-pân ê chukeh khó-chhì. Lán kiông-liát iàu-kiû KIP tiôh ài lêng-gôa koh khai-hòng hō sô-û û chhù-bî ê lâng chû-iû pò-miâ chham-ka!

Lán ê lí-iû sî: Chá-kî teh chò bó-gí ûn-tōng ê lâng lóng kap koaⁿ-hong bô sîm-mih koan-hê. Nâ chiàu KIP chit-má ê chò-hoat, thé-chè-gôa chiah-ê lâng chiû lóng bô ki-hôe chham-ka khó-chhì! Che thang kóng sî KIP ôan-chhôan khòaⁿ-bê-khí thé-chè-gôa ûn-tōng-chiá ê kî-sî, bô háp-lí ê thâi-gû. Thiau-kang beh kâ lán ê bó-gí bú hō sî! Siûⁿ khòaⁿ māi--leh, nâ m̄-sî chiah-ê lâng kú-tâng lâi ê phah-piàⁿ, châu-chông, ná û kin-á-jit bó-gí tî hak-hâu siöng-khò ê khó-lêng? Chiah-ê lâng m̄-nâ sî bó-gí kàu-iòk bô-äu ê chhui-seng-chiá, koh-khah sî chhú-äu bó-gí beh hoat-tián hiòng-chiân-kiâⁿ ê tiöng-iàu 1 éng-tô-chiá! In-ûi in ê bó-gí lêng-lék, pau-koat hoat-im, gí-hoat, gí-lûi kap sú-iöng lêng-lék lóng pí hak-hâu ê lâu-su (kòan-sì Pak-kiaⁿ-oe su-khó) hó kúi cháp-pah pôe! Chit-khóan ê chu-gôan nâ bô hó-hó-á ûn-iöng, bó-gí beh hoat-tián, kan-ta sî khang-chhùi pô-chih bô hû chek-jîm ê kóng-hoat nâ-tiâⁿ!

Koh-chài kóng, kin-kì Hiàn-hoat tē-18-tiâu, “Jîn-bîn û chham-ka khó-chhì, tam-jîm kong-chit ê kôan-lî.” KIP chin chheng-chhó ûi-hóan hiän-hoat ê cheng-sîn, pak-siah jîn-bîn ê khó-chhì-kôan!

KIP nâ bô chiap-siû lán chiah-nih pi-bî ê iàu-kiû, lán àn-sng beh koh chio Lip-úi tàu-tîn khì KIP ê mñg-kháu kâ khòng-gî. Kàu-sî hoan-gêng tâi-ke chò-tîn lâi ngiâ nâu-jiât!